

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
S A R A J E V O

Broj: 15-589-11/21.
Sarajevo, 04.05.2021.god.

Na osnovu člana 64. stav (1) tačka b), člana 70. stav 1. i 3. Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 15-590/21 od 09.04.2021.godine, Direktorica Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. Prihvata se Izvještaj o radu Komisije za javne nabavke i preporuka za dodjelu ugovora, broj: 15-579-7/21 od 30.04.2021.godine, te se ugovor za javnu Nabavku, isporuku, montažu i puštanje u rad liftova u KJU „Gerontološki centar“ Sarajevo, dodjeljuje ponuđaču „Liftmont“ doo, ul. Republike Bugarske br.28., Sarajevo broj: P-197-21 od 28.04.2021. godine, **za ponuđenu cijenu, u iznosu od 112.700,00 KM bez PDV-a, odnosno 131.859,00 KM sa PDV-om. Maksimalan rok za završetak svih ugovorenih obaveza iznosi 45 dana. Garantni period za isporučene i montirane liftove je 48 mjeseci.**

2. Prijedlog ugovora o nabavci dostavit će se na potpis izabranom ponuđaču u roku od 15 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.gcs.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Postupak za Nabavku, isporuku, montažu i puštanje u rad liftova u KJU „Gerontološki centar“ Sarajevo pokrenut je Odlukom broj: 15-589/21 od 09.04.2021. godine.

Javna nabavka je provedena putem otvorenog postupka javne nabavke.

Prema Planu nabavki za 2021. godinu, procijenjena vrijednost predmetne nabavke iznosi: **117.000,00 KM bez PDV-a.**

Obavještenje o nabavci, broj: 897-1-1-37-3-21/21 objavljeno na Portalu javnih nabavki dana 09.04.2021.god. i u Službenom glasniku BiH br. 23/21, Ispravke obavještenja o nabavci br. 897-1-1-37-8-22/21 objavljena na Portalu javnih nabavki dana 16.04.2021.god. i u Službenom glasniku BiH br. 25/21.

Na osnovu obavještenja o nabavci i sprovodbe obavještenja o nabavci, tendersku dokumentaciju su preuzeli sljedeći ponuđači:

R.br.	Tenderska dokumentacija	Datum objave	
1	TD_897-1-1-37_21.zip	9.4.2021.	
R.br.	Naziv ponuđača koji je preuzeo tendersku dokumentaciju	IDB/JIB	Datum i vrijeme preuzimanja
1	EKAPIJA DOO	4950134590001	9.4.2021. 13:00:07
2	VINOJUG DOO	4200368260006	9.4.2021. 13:14:28
3	BBS EUROPE	4403188520008	9.4.2021. 14:38:12
4	LIFTMONT D.O.O.	4202652050006	9.4.2021. 16:09:35
5	"GRADPROM" D.O.O. SRBAC	4400894200009	9.4.2021. 17:38:59
6	VI - LIFT D.O.O. BUGOJNO	4236693660007	9.4.2021. 18:20:30
7	FIDGES-UPRAVITELJ D.O.O	4201866400008	11.4.2021. 18:11:06
8	TRI BEST D.O.O. BANJA LUKA	4400802520002	12.4.2021. 7:45:44
9	OTIS LIFTOVI DOO	4201709640003	12.4.2021. 10:09:04
10	K-M SOLUTION D.O.O.	4202215180006	12.4.2021. 12:34:37
11	KA BEST GROUP D.O.O.	4202028660002	12.4.2021. 20:22:18
12	DVG-ALM COMPANY D.O.O. SARAJEVO	4200554480008	13.4.2021. 8:33:51
13	A&D SERVIS,REMONT I MONTAŽU LIFTOVA D.O.O. SARAJEVO	4202049580009	13.4.2021. 8:40:20
14	EURO PROST	4209056460005	14.4.2021. 10:45:34
15	EURO LIFTING D.O.O.	4218240890003	14.4.2021. 11:05:19
16	LIFTEC D.O.O. SARAJEVO	4202662870001	14.4.2021. 11:13:42

R.br.	Tenderska dokumentacija i ispravka tenderske dokumentacije	Datum objave	
1	TD_IZM1_897-1-1-37_21.zip	16.4.2021.	
R.br.	Naziv ponuđača koji je preuzeo tendersku dokumentaciju i ispravku tenderske dokumentacije	IDB/JIB	Datum i vrijeme preuzimanja

1	LIFTMONT D.O.O.	4202652050006	16.4.2021. 15:52:05
2	EKAPIJA DOO	4950134590001	16.4.2021. 16:00:23
3	EURO LIFTING D.O.O.	4218240890003	16.4.2021. 16:13:45
4	CLIMA TRADE D.O.O.	4200097130004	19.4.2021. 9:43:34
5	TRI BEST D.O.O. BANJA LUKA	4400802520002	19.4.2021. 12:21:56
6	BBS EUROPE	4403188520008	19.4.2021. 17:07:02
7	KA BEST GROUP D.O.O.	4202028660002	23.4.2021. 13:21:29
8	LIFTEC D.O.O. SARAJEVO	4202662870001	26.4.2021. 9:33:21
9	TERRA FORMING ELEVATORS D.O.O.	4200518680009	26.4.2021. 22:06:32
10	EURO PROST	4209056460005	27.4.2021. 13:05:23
11	DVG-ALM COMPANY D.O.O. SARAJEVO	4200554480008	29.4.2021. 11:59:10

Na osnovu Odluke o pokretanju postupka br: 15-589/21 od 09.04.2021.god., obavještenja o nabavci, broj: 897-1-1-37-3-21/21 objavljeno na Portalu javnih nabavki dana 09.04.2021.god. i u Službenom glasniku BiH br. 23/21, Ispravke obavještenja o nabavci br. 897-1-1-37-8-22/21 objavljena na Portalu javnih nabavki dana 16.04.2021.god. i u Službenom glasniku BiH br. 25/21 u predviđenom roku, primljeno tri ponude koje su podnijeli:

- „Euro prost“ d.o.o., ul. Srednja Miričina bb Gračanica
- „DVG ALM Comapny“ doo, ul. Nedima Filipovića bb, Sarajevo
- „Liftmont“ doo, ul. Republike Bugarske br.28., Sarajevo

Komisija za javne nabavke je imenovana Rješenjem broj: 15-590/21 od 09.04.2021.godine.

Krajnji rok za dostavu ponuda je bio 30.04.2021. godine do 09:30. Dana 30.04.2021.godine u 10:00 sati je izvršeno javno otvaranje prispjelih ponuda na kojem su prisustvovali predstavnici ponuđača:

- Predstavnik ponuđača „DVG ALM COMPANY“ doo Sarajevo, Remzija Tandirović.
- Predstavnik ponuđača „LIFTMONT“ doo Sarajevo, Aida Hodžić.
- Predstavnik ponuđača „EUROPROST“ doo Gračanica, Almir Avdić.

Komisija za javne nabavke je dostavila dana 30.04.2021. godine Zapisnik o pregledu i ocjeni ponuda broj: 15-589-9/21 od 30.04.2021. godine i Izvještaj o radu Komisije za javne nabavke i preporuka za dodjelu ugovora, broj: 15-589-10/21 od 04.05.2021. godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljeno 3 ponuda,
- da je ukupan broj neblagovremeno zaprimljenih ponuda 0,
- da su pristigle ponude ponuđača:
 1. „Euro prost“ d.o.o., ul. Srednja Miričina bb Gračanica
 2. „DVG ALM Comapny“ doo, ul. Nedima Filipovića bb, Sarajevo
 3. „Liftmont“ doo, ul. Republike Bugarske br.28., Sarajevo

U fazi pregleda i ocjene ponuda, Komisija za javne nabavke konstatuje da ponuđači „Euro prost“ d.o.o., ul. Srednja Miričina bb Gračanica i ponuđača „DVG ALM Comapny“ doo, ul. Nedima Filipovića bb, Sarajevo nisu ispunili kvalifikacione uvjete za dalje učešće u postupku, te su ponude ovih ponuđača isključene iz daljeg postupka nabavke.

I Ponuđač „DVG ALM Comapny“ doo, ul. Nedima Filipovića bb, Sarajevo

1) Tačka 8.2. „Sadržaj ponude“, podtačka 8.2.1., stav d) Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo, navedeno je šta ponuda treba da, između ostalog, sadrži: „d) Popunjen, potpisan i ovjeren obrazac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderskoj dokumentaciji“.

Imajući u vidu zahtjeve iz tačke 8.2. podtačka 8.2.1. stav d), odnosno zahtjeve iz Aneksa 4 Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 09.04.2021. godine, Komisija za javne nabavke je utvrdila da je ponuđač „DVG ALM Comapny“ doo, ul. Nedima Filipovića bb, Sarajevo, dostavio svoju Ponudu broj: 713/21

od 29.04.2021.godine u okviru koje je dostavljen i Aneks 4. Tenderske dokumentacije. Suštinskom analizom sadržaja dostavljenog Aneksa 4 Tenderske dokumentacije, Komisija za javne nabavke je utvrdila da je ponuđač u dijelu stavke 1. „Opći podaci“ odnosno „Opis za ekvivalent“ nije naveo opis kako je to traženo Aneksom 3 tenderske dokumentacije, odnosno nije naveo opis za ekvivalentni proizvod koji nudi, već je napisano „Nudimo lift proizvodnje „Has“ istih karakteristika kao traženi u tenderskoj dokumentaciji“ što nije u skladu sa traženim tenderskom dokumentacijom.

Također, u dostavljenom Aneksu 4 nisu ispunjene kolone „Jedinična cijena po stavki bez PDV-a (uključujući sve troškove)“ i „Jedinična cijena po stavki sa PDV-om (uključujući sve troškove) niti za stavku br.1 niti za stavku br.2.“

Obzirom da ponuđač „DVG ALM Comapny“ doo, ul. Nedima Filipovića bb, Sarajevo nije naveo podatke zahtjevane tenderskom dokumentacijom, Komisija za javne nabavke je ponudu ovog ponuđača ocijenila nekvalifikovanom i nepotpunom i kao takvu isključila iz daljeg postupka predmetne nabavke.

Imajući u vidu naprijed navedeno, kao i konstatovane suštinske nedostatke u ponudi ovog ponuđača, ista je ocijenjena nekvalifikovanom i nepotpunom, te je kao takva isključena iz daljeg postupka javne nabavke.

2) Tačkom 7.1.2. Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 09.04.2021. godine, za ponuđače je propisano da su dužni, između ostalog, dostaviti sljedeće: „U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa za ovjeru dokumenata, da se na njih ne odnose slučajevi definisani tačkom 7.1.1. od a) do d) tenderske dokumentacije. Izjava se dostavlja u formi utvrđenoj Aneksom 6. tenderske dokumentacije.“

Tačkom 7.6.1. Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 08.04.2021. godine, za ponuđače je propisano da su dužni, između ostalog, dostaviti sljedeće: „Ponuđač je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji (Aneks 8)“

Uvidom u Ponudu ponuđača „DVG ALM Comapny“ doo, ul. Nedima Filipovića bb, Sarajevo, Komisija za javne nabavke je prilikom pregleda Aneksa 6. i Aneksa 8. konstatovala da ponuđač nije naveo podatke u dijelu „Mjesto i datum davanja izjave“ kako je to traženo u aneksu 6 i aneksu 8 tenderske dokumentacije, niti je naveo „Ulicu i broj“ u Aneksu 6. tenderske dokumentacije.

3) Tačkom 8.2. „Sadržaj ponude“, podtačka 8.2.1., stav s) Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 09.04.2021. godine, navedeno je šta ponuda treba da, između ostalog, sadrži: „s) Potpisan i ovjeren popis svih dostavljenih dokumenata uz ponudu koji čine sadržaj ponude. (Sadržaj ponude također mora biti sastavni dio popisa dostavljenih dokumenata).“

Imajući u vidu zahtjeve iz tačke 8.2. podtačka 8.2.1. stav s) Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo, Komisija za javne nabavke je utvrdila da je ponuđač „DVG ALM Comapny“ doo, ul. Nedima Filipovića bb, Sarajevo, dostavio svoju Ponudu nakon čije je suštinske analize sadržaja, Komisija za javne nabavke utvrdila da ponuđač nije naveo „Sadržaj ponude“ kao sastavni dio popisa dostavljenih dokumenata.

Obzirom da ponuđač „DVG ALM Comapny“ doo, ul. Nedima Filipovića bb, Sarajevo nije naveo podatke zahtjevane tenderskom dokumentacijom, Komisija za javne nabavke je ponudu ovog ponuđača ocijenila nekvalifikovanom i nepotpunom i kao takvu isključila iz daljeg postupka predmetne nabavke.

4) Tačkom 8.1.3. Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 09.04.2021. godine, navedeno je: „Ponuda

i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni Hercegovini. Štampana literatura, brošure, katalozi ili slično koje dostavlja ponuđač, a koji se odnose na predmet nabavke, ukoliko su napisani na drugom jeziku, moraju biti prevedeni. Pod zvaničnim prevodom se smatra prevod ovjeren od strane sudskog prevodioca.“

Imajući u vidu zahtjeve iz tačke 8.1.3. Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 09.04.2021. godine, odnosno zahtjeve da se katalozi ili slično koji se dostavljaju moraju biti prevedeni, i to od strane sudskog prevodioca, Komisija za javne nabavke je utvrdila da je ponuđač „DVG ALM Comapny“ doo, ul. Nedima Filipovića bb, Sarajevo, dostavio svoju Ponudu broj: 713/21 od 29.04.2021.godine u okviru koje je dostavljena prospektna dokumentacija na strani 29. i 30. Ponude koja nije prevedena.

Obzirom da ponuđač „DVG ALM Comapny“ doo, ul. Nedima Filipovića bb, Sarajevo nije dostavio podatke na način kako je to zahtjevano tenderskom dokumentacijom, Komisija za javne nabavke je ponudu ovog ponuđača ocijenila nekvalifikovanom i nepotpunom i kao takvu isključila iz daljeg postupka predmetne nabavke.

Imajući u vidu naprijed navedeno, kao i konstatovane suštinske nedostatke u ponudi ovog ponuđača, ista je ocijenjena nekvalifikovanom i nepotpunom, te je kao takva isključena iz daljeg postupka javne nabavke.

Suštinskom i daljnom analizom dostavljenih kataloga, odnosno prospektne dokumentacije u okviru Ponude ponuđača „DVG ALM Comapny“ doo, ul. Nedima Filipovića bb, Sarajevo, Komisija za javne nabavke je utvrdila da određeni ponuđeni ekvivalenti traženih stavki/roba nisu dokazali ekvivalentnost tražene stavke/robe.

II Ponuđač „Euro prost“ d.o.o., ul. Srednja Miričina bb Gračanica

1) Tačka 8.2. „Sadržaj ponude“, podtačka 8.2.1., stav d) Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo, navedeno je šta ponuda treba da, između ostalog, sadrži: „d) Popunjen, potpisan i ovjeren obrazac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderskoj dokumentaciji“.

Imajući u vidu zahtjeve iz tačke 8.2. podtačka 8.2.1. stav d), odnosno zahtjeve iz Aneksa 4 Tenderske dokumentacije za otvoreni postupak javne nabavke, isporuke, montaže i puštanje u rad liftova u KJU „Gerontološki centar“ Sarajevo broj: 15-589-1/21 od 09.04.2021. godine, Komisija za javne nabavke je utvrdila da je ponuđač „Euro prost“ d.o.o., ul. Srednja Miričina bb Gračanica, dostavio svoju Ponudu broj: 298/2021 od 28.04.2021.godine u okviru koje je dostavljen i Aneks 4. Tenderske dokumentacije. Suštinskom analizom sadržaja dostavljenog Aneksa 4 Tenderske dokumentacije, Komisija za javne nabavke je utvrdila da je ponuđač pogrešno ispunio isti u dijelu stavke broj 1. kolonu „Jedinična cijena po stavki bez PDV-a (uključujući sve troškove)“ i „Jedinična cijena po stavki sa PDV-om (uključujući sve troškove) gdje je navedena cijena za dva lifta, a ne jedinična cijena po stavki, odnosno po liftu kako je to traženo tenderskom dokumentacijom.

Obzirom da ponuđač „Euro prost“ d.o.o., ul. Srednja Miričina bb Gračanica nije naveo podatke zahtjevano tenderskom dokumentacijom, Komisija za javne nabavke je ponudu ovog ponuđača ocijenila nekvalifikovanom i nepotpunom i kao takvu isključila iz daljeg postupka predmetne nabavke.

Imajući u vidu naprijed navedeno, kao i konstatovane suštinske nedostatke u ponudi ovog ponuđača, ista je ocijenjena nekvalifikovanom i nepotpunom, te je kao takva isključena iz daljeg postupka javne nabavke.

2) Tačkom 8.1.3. tenderske dokumentacije je navedeno „Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni Hercegovini. Štampana literatura, brošure, katalozi ili slično koje dostavlja ponuđač, a koji se odnose na predmet nabavke, ukoliko su napisani na drugom jeziku, moraju biti prevedeni. Pod zvaničnim prevodom se smatra prevod ovjeren od strane sudskog prevodioca.“

Uvidom u dostavljene kataloge u okviru Ponude ponuđača „Euro prost“ d.o.o., ul. Srednja Miričina bb Gračanica, Komisija za javne nabavke je utvrdila da su kazalozi dostavljeni na Engleskom jeziku i na Bosanskom jeziku, ali da isti ne sadrže prevod ovjeren od strane sudskog prevodioca, u smislu zvaničnog prevoda.

Imajući u vidu naprijed navedeno, kao i konstatovane suštinske nedostatke u ponudi ovog ponuđača, ista je ocijenjena nekvalifikovanom i nepotpunom, te je kao takva isključena iz daljeg postupka javne nabavke.

Suštinskom i daljnom analizom dostavljenih kataloga, odnosno prospektne dokumentacije u okviru Ponude ponuđača „Euro prost“ d.o.o., ul. Srednja Miričina bb Gračanica, Komisija za javne nabavke je utvrdila da za ponuđeni ekvivalent motora „bezredutorki pogon sa permanentnim magnetima u vrhu voznog okna“ nedostaje tehnički list, odnosno opis od strane proizvođača kojeg nudi, u ovom predmetnom postupku proizvođača Alberto Sassi Spa Italy, sa prevodom od strane sudskog prevodioca.

Obzirom da ponuđač „Euro prost“ d.o.o., ul. Srednja Miričina bb Gračanica nije naveo podatke zahtjevane tenderskom dokumentacijom, Komisija za javne nabavke je ponudu ovog ponuđača ocijenila nekvalifikovanom i nepotpunom i kao takvu isključila iz daljeg postupka predmetne nabavke.

Imajući u vidu naprijed navedeno, kao i konstatovane suštinske nedostatke u ponudi ovog ponuđača, ista je ocijenjena nekvalifikovanom i nepotpunom, te je kao takva isključena iz daljeg postupka javne nabavke.

Nakon izvršene analize i ocjene dostavljenih ponuda, ponude nisu rangirane obzirom da je preostala samo jedna prihvatljiva ponuda.

Obzirom da su dostavljene ponude ponuđača „Euro prost“ d.o.o., ul. Srednja Miričina bb Gračanica, ponuđača „DVG ALM Comapny“ doo, ul. Nedima Filipovića bb, Sarajevo, ocijenjene kao nekvalifikovane i isključene iz daljeg učešća u postupku, te da je preostala samo jedna prihvatljiva ponuda za dodjelu ugovora i to ponuda ponuđača Liftmont“ doo, ul. Republike Bugarske br.28., Sarajevo, Komisija za javne nabavke predlaže shodno članu 70. Zakona o javnim nabavkama, donošenje Odluke o izboru ponude ponuđača “Liftmont“ doo, ul. Republike Bugarske br.28., Sarajevo, kao prihvatljive za predmetnu nabavku.

Komisija za javne nabavke je izvršila analizu prihvatljivosti predmetne ponude.

Ukupna cijena prihvatljive ponude sa popustom bez PDV-a iznosi **112.700,00 KM**, a ukupna cijena ponude sa PDV-om iznosi **131.859,00 KM**. Maksimalan rok za završetak svih ugovorenih obaveza iznosi 45 dana. Garantni period za isporučene i montirane liftove je 48 mjeseci.

Ocjenom provedenog postupka direktorica KJU „Gerontološki centar“ Sarajevo nije našla ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač **“Liftmont“ doo, ul. Republike Bugarske br.28., Sarajevo**, dostavio prihvatljivu ponudu, sa ponuđenom ukupnom cijenom od 112.700,00 KM bez PDV-a, a ukupna cijena ponude sa PDV-om iznosi 131.859,00 KM. Maksimalan rok za završetak svih ugovorenih obaveza iznosi 45 dana. Garantni period za isporučene i montirane liftove je 48 mjeseci.

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 15-589-11/21 od 04.05.2021.godine, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

DIREKTORICA

Melisa Alibašić Hadžić, dipl.pravnik

Dostavljeno:

1x „DVG ALM Comapny“ doo, ul. Nedima Filipovića bb, Sarajevo

1x „Euro prost“ d.o.o., ul. Srednja Miričina bb Gračanica

1x „Liftmont“ doo, ul. Republike Bugarske br.28., Sarajevo

1x Sl.za pravne i opće posl.Geront.centra

1x Komisija za javne nabavke

1x a/a